



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### კახაბერისძე კახაბერ

კახაბერისძე კახაბერ, XIII ს. II ნახევრის ქართველი პოლიტიკური მოღვაწე, რაჭის ერისთავი. დას. საქართველოს სხვა დიდებულებთან ერთად დიდად შეუწყო ხელი დავით VI ნარინის გამეფებას დას. საქართველოში. შემდგომში მონღოლმა იმერეთში დავით ლაშას ძის გამეფება, მაგრამ უშედეგოდ. კავშირი დაამყარა მონღოლებთან, დავით ნარინს აუმხედრა აბალაყაენის წინააღმდეგ აჯანყებული და დას. საქართველოში თავშეფარებული ლაღლური. კ. ყაენის კარზეც წაჰყვა ლაღლურს, სადაც დავით ნარინის საწინააღმდეგო საქმიანობას ეწეოდა. იქიდან კ. ქართლში, ატენში, დაბრუნდა. დავით ნარინმა შეინყალა ორგული ერისთავი და რაჭაც დაუბრუნა. მცირე ხნის შემდეგ კ-მ კვლავ უღალატა მეფეს. მონღოლ სარდალ ალიყანთან გააბა მიმონწერა დავით ნარინის შეპყრობის თაობაზე. მეფემ ხელთ იგდო კ., თვალები ამოუშანთა და ცალი ხელი და ფეხი მოჰკვეთა. ერისთავის ორი - შვილი განდევნეს კონსტანტინოპოლში. ამით დასრულდა კების მფლობელობა რაჭაში.

*წყარო:* ჟამთააღმწერელი, წგ.: ქართლის ცხოვრება, ს. ყაუხჩიშვილის გამოც., ტ. 2, თბ., 1959; ქართლის ცხოვრება, მთ. რედ. რ. მეტრეველი, თბ., 2008.

*ლიტ.:* საქართველოს ისტორიის ნარკვევები, ტ. 3, თბ., 1979; ჯ ა ვ ა ხ ი შ ვ ი ლ ი ი ვ., ქართველი ერის ისტორია, თბზ. თორმეტ ტომად, ტ. 3, თბ., 1983.

**ი. ანთელავა**

---